

中斗經

太上中斗保命延生妙經

爾時



太清仙境太上老君於永壽  
年中與徵士張真人屢處會



於蜀都以四斗靈文授與張  
天師等以其能脩謹奉行太  
上老君復現全身於清虛中  
昇玉局坐敷宣至教而又垂

言傳戮巨天後衝降伏魔魅  
敢不從執籙把將玉女金童  
延生保命垂雲馭風生之受  
鍊度世無窮於是太上老君

乃宣呪曰

惟彼中央

總領四方

提攝萬象

罔越紀綱

彰善罰惡

琅函玉章

漂落萬鬼

摧折鋒銳

度世無量

各昭彼蒼

尊禮供饗

掃除不祥

志心奉授

昇天翱翔



急如律令

中斗第一赫靈度世真君  
中斗第二幹化上聖真君  
中斗第三冲和至德真君

道言凡世人持誦是經切須  
齋心虔禮叩齒閉目一念存  
神人遊齋廊相見濟度救世  
延生齋醮除殃罪業滌蕩惟

氣叔叔長存流行無疆道言  
惟有中斗居位五天之中四  
方拱衛尊大無極五天元炁  
統領諸天秘文洞章天人所

寶吾奉玉皇詔令詔戒叮嚀  
用傳下世濟度羣迷為世津  
梁傳非其人若生認惟天真  
不許繼世被殃吾念汝能洗



心澄慮嚴潔崇奉孜孜不倦  
終始一節確守素志可不為  
汝陳叙說此中斗與章天師  
真人乃稽首作禮諦聽敬受

老君告天師真人曰惟彼穹

蒼位處中央端拱靜密開列

混茫四極輔翼太赤丕光七

政璇璣兩曜伏棄統攝萬象

提振紀綱嚴校諸天無極神  
鄉三官九署十二河源二十  
八宿三十二天普得擁護降  
福無殃蠲除罪簿落滅惡根

東斗主筭西斗紀名北斗落  
死南斗上生中斗大魁巍然  
至尊天人受度曠劫長存三  
途五苦八難三延承茲正教



昇入金門老君為天師曰中  
斗之氣生於四斗或始或終  
造化之原青帝護魂白帝侍  
魄赤帝養炁黑帝通血黃帝

中主萬神牙越青天魔王巴  
元醜伯赤天魔王寶天擔石  
白天魔王返山六目黑天魔  
王監醜朗馥黃天魔王橫天

擔力五帝大魔萬神之宗總  
領鬼兵遏除害克旌幢寶杖  
嚴駕夔祛龍雷掣電周遊太空  
金越前戮四極歸真尚尊之

像決靈帝君至真大聖端拱  
圜列精誠存想懇禱心願如  
得監度延福延壽但依經法  
嚴奉供養於有災之日或於



三元八節之良請正一之士鋪  
設淨壇以香花茶菓珍寶供  
儀宣告科儀清淨身心啟請  
真聖醮謝罪業真聖歡喜无

願不從九祖昇天名籍仙都  
逍遙上清益算延年老君為  
天師真人曰五方所秘靈音  
吾悉傳於下世濟度衆生永

離沉淪為世所補功滿大焉老  
君復告天師真人曰五斗符極  
靈文五斗真君名號宿有道  
緣方值得遇經訣供儀尊禮

威烈靈驗善惡定祥應猶影  
響功須專心炁少輕慢汝宜  
確字精專敬之戒之勿妄宣  
布老君付囑訖乃昇天而去



天師真人頂禮拜傳授之永久  
藏於金櫃化乃無窮矣

中斗妙經終

